



E K S T R A K T

i procesverbalit nga mbledhja e nëntë e Komitetit për Komunitete, e mbajtur më 25.10.2023, me fillim në orën 10:00.

Në mbledhje morën pjesë: Mirsada Behluli, Nenad Miladinovic, Elmira Nikçi Rexha, Oktay Kurtesh, Kimeta Shok, Faton Marolli.

Munguan: Trieria Kasumi Berisha, Adnan Ajeti, Arton Brahimi.

Në mbledhje morën pjesë edhe: Klaudia Mula - zyrtare për komunitete nga ZKKK, Arianita Beqa Rraci - përfaqësuese nga UNMIK-u dhe përfaqësuesit e KFOR-it.

Mbledhjen e hapi dhe e kryesoi kryesuesja e komitetit znj. Mirsada Behluli me këtë:

R E N D I T E

1. Shqyrtimi dhe miratimi i procesverbalit nga mbledhja e kaluar e KK-së;
2. Takimi i KK-ës me përfaqësuesit e KFOR-it, UNHCR, BSK-ës, PK-ës dhe ZKKK-ës me qëllim të analizimit të gjendjes së sigurisë dhe lirisë së lëvizjes;
3. Ftesë për drejtoreshën e Drejtorisë së Arsimit, - Raport për gjendjen e nxënësve nga komunitetet joshumicë në shkolla;
4. Shqyrtimi i raporteve për vizitat në shkolla ku vijojnë mësimin nxënësit e komuniteteve joshumicë;
5. Raporti i ZKKK-ës për muajin shtator 2023;
6. Raportimi i përfaqësuesve të komuniteteve joshumicë lidhur me gjendjen e sigurisë në bashkësitë e tyre;
7. Të ndryshme.

Njëzëri u miratua rendi i ditës.

Pika e parë

Shqyrtimi dhe miratimi i procesverbalit nga mbledhja e kaluar e KK-ës.

Mirsada Behluli – lidhur me ekstraktin e procesverbalit pati një vërejtje për të cilën u dakorduan me procesmbajtësen që ajo të përmirësohet.

Njëzëri u miratua procesverbali nga mbledhja e kaluar.

Pika e dytë

Takimi i KK-ës me përfaqësuesit e KFOR-it, UNHCR, BSK-ës, PK-ës dhe ZKKK-ës me qëllim të analizimit të gjendjes së sigurisë dhe lirisë së lëvizjes.

Përfaqësuesi i KFOR-it – lidhur me pikën e rendit të ditës tha se ne vazhdimisht bëjmë patrullime nëpër fshatra dhe qytet, po ashtu edhe në fshatrat në veri ku mund të them se situata është e qetë dhe pa probleme. Ai në vazhdim tha se ne jemi në bashkëpunim të ngushtë me policinë e Kosovës, kështu që bashkëpunojmë me ta.

Nenad Miladinovic – tha se do të ishte mirë që edhe përfaqësuesit e Policisë së Kosovës të ishin prezent sot këtu. Unë gjithmonë më herët me krenari kam thënë se situata është shumë e mirë, e qetë ku edhe marrëdhëniet ndëretnike kanë qenë shumë të mira, mirëpo kohëve të fundit kanë qenë disa raste ku është shprehur njëfarë urrejtje, një provokim ku e gjithë kjo ka ndodhur në Bërnice të Poshtme, ku më datë 29 të muajit të kaluar kemi pasur një rast ku një person i cili është endur andej me tabela me regjistrim të Serbisë në rrugën për Merdarë është provokuar të ndalet nga ana e dy veturave ku ajo ka ndodhur prej Lebanes deri në Lupç. Në fund vozitësi është ndalur në pompë të benzinës në Lupç. Personat të cilët e kanë përcjell kanë tentuar edhe në pompë të benzinës ta provokojnë dhe ta sulmojnë ku në fund është dashur të vjen policia dhe ta përcjell deri në Merdare. Ai në vazhdim tha se kemi pasur edhe dy raste në Bërnice të Poshtme, janë sulmuar fëmijët në poligonin e shkollës ku aty ka dal policia në vendin e ngjarjes dhe ka bërë procesverbalin e rastit. Po ashtu kohën e fundit kemi probleme prej personave, të cilët besoj se nuk janë nga Bërnica ku i provokojnë femrat dhe fëmijët. Mund të them sinqerisht që deri tani nuk kemi pasur këso probleme, mirëpo kohëve të fundit vërtet më brengos kjo çka po ndodh dhe desha t'i prezantoj.

Pika e tretë

Ftesë për drejtoreshën e Drejtorisë së Arsimit, - Raport për gjendjen e nxënësve nga komunitetet joshumicë në shkolla.

Për shkak të mosprezencës së drejtoreshës së Drejtorisë së Arsimit, kjo pikë e rendit të ditës shtyhet për ndonjë prej takimeve të radhës.

Pika e katërt

Shqyrtimi i raporteve për vizitat në shkolla ku vijojnë mësimin nxënësit e komuniteteve joshumicë.

Klaudia Mula – sa i përket raportit të vizitave në shkollat ku vijojnë mësimin nxënësit e komuniteteve joshumicë, tha se ne kemi vizituar tetë shkolla, ku unë i kam nxjerr disa nga kryesoret që mendoj se duhet me i thënë këtu sepse raportin në detaje besoj se e keni lexuar. Por ajo çka vlen të theksohet dhe të ngritet zëri është tentim-braktisja e mësimin nga ana e nxënësve joshumicë nëpër shkolla. Ajo në vazhdim tha se në të gjitha shkollat numri i tentim-braktisjes së mësimin është dhjetë nxënës. Në shkollën fillore “Emin Duraku”; 2 nxënës të komunitetit ashkali, në shkollën “Model” apo “Qamil Batalli”; është një nxënëse e komunitetit ashkali, në shkollën fillore “Asim Vokshi”; kemi gjashtë nxënës të komunitetit ashkali dhe një nxënës i komunitetit boshnjak në shkollën fillore “Naim Frashëri”, ndërsa sa i përket kërkesave të shkollave, në shkollën “Emin Duraku” kemi pasur një shqetësim rreth mosmirëmbajtjes së higjienës personale të nxënësve, gjë që ka ngritur shqetësimin edhe te mësuesit dhe të prindërve për shkak që fëmijët e tyre janë infektuar. Tutje apo përmendi

kerkesen e cila ka qene per nje kabinet te informatikes me me se paku tre kompjutere. Kërkesa tjetër nga shkolla "Asim Vokshi" duke u bazuar në tentim-braktisjen e nxënësve ka qenë fushata senzibilizuese për prindërit, për regjistrim parashkollor dhe fillor, si dhe vetëdijesimin e tyre për bashkëpunimin prind - shkollë për vijueshmërinë dhe suksesin e nxënësve. Po ashtu edhe në shkollën "Elena Gjika" kemi pasur disa kërkesa, i kanë donatorët të cilët po i përkrahin për disa projekte, për shkak të ngecjes së disa procedurave nuk e dimë saktë ku ka ngecur, por do të ndërmarrim masa lidhur me këtë çështje që të realizohen këto projekte në të mirë të të gjithë nxënësve dhe të gjithë të tjerëve. Është projekti për vendosjen e një objekti shtesë në shkollë për t'i vendosur pajisjet në kabinet të robotikës, edhe kanë një kërkesë për t'ua lejuar atë pjesën e aneksit të shkollës së muzikës që me e shfrytëzuar për klasë, për mësim plotësues etj. D.m.th këta i kanë donacionet, por vetëm ju duhen procedurat e lejimit, ndërsa sa i përket shkollës "Naim Frashëri" është një kërkesë specifike d.m.th që dy muaj nuk kanë mësimdhënës të lëndës së gjeografisë dhe edukatës qytetare, kurse është nevojë elementare d.m.th nuk kanë si t'i notojnë nxënësit me nota. Përveç kësaj kërkesë, ata kanë pasur edhe kërkesën tjetër që i përket pozitës së koordinatorit për të drejtat e komuniteteve në Drejtorinë e Arsimit që ka qenë e komunitetit boshnjak znj. Jasmina Omeragic, kurse pyeti se çka ka ndodhur me atë pozitë a është mbyllur ajo pozitë apo çka është bërë me atë pozitë, na jepni një sqarim.

Kimeta Shok - duke u ndërlidhur me çështjen e arsimit të gjeografisë dhe edukatës qytetare tha se ata janë strikt se komuna duhet të hapë konkursin, kur ata vijnë këtu ata ju thonë se këtë punë e ka Drejtoria e Arsimit. Prandaj shtroi pyetje përse nuk është hapur konkursi, pasi që dy muaj nxënësit janë pa arsimtarë.

Klaudia Mula – tha se kisha propozuar që këto shqetësime të hyjnë si konkluzion dhe të dërgohen në Drejtorinë e Arsimit prej përfaqësuesit të komunitetit boshnjak.

Mirsada Behluli – lidhur me çështjen e koordinitorit tha se me këtë çështje jam marr qysh derisa ka qenë z. Hetem Kupina këtu ku dhe kemi pasur probleme, ku së bashku me z. Hetem dhe z. Nenad iu kemi drejtuar Drejtorisë për Arsim ku ata na kanë udhëzuar tek Zyra e Burimeve Njerëzore, në ç'rast më janë përgjigjur me një e-mail ku thuhet se pasi që ligji ka ndryshuar, gabimisht po thuhet koordinitor për të drejtat e komuniteteve në mësimin e gjuhës boshnjake që ai vend është një zyrtar i lartë gjithëpërfshirës për të gjithë e që rastësisht znj. Omeragic tani e ndërë ka kryer punën e koordinitorit.

Pika e pestë

Raporti i ZKKK-ës për muajin shtator 2023

Klaudia Mula – sa i përket Raportit të muajit shtator 2023, tha se besoj se e keni marrë dhe lexuar të gjithë. Gjatë këtij muaji janë ndërmarrë të gjitha aktivitetet e parapara me planin e punës të ZKKK-ës. Ajo në vazhdim tha se kisha dashur t'i cek dy projekte që janë implementuar gjatë këtij muaji dhe ato janë:

- Furnizimi me pako shkollore për 155 nxënësit e komunitetit rom, ashkali dhe egjiptian në Komunën e Prishtinës.
- Furnizimi me pako ushqimore për 120 familje të të gjitha komuniteteve joshumicë që janë në gjendje të rëndë ekonomike.

Sa i përket këtij projekti në mbledhjen e fundit të këtij komiteti i kam lexuar disa pakënaqësi lidhur me përpilimin e listave, mirëpo në këtë raport i keni të sqaruara të gjitha se si ka shkuar mënyra e përpilimit të listave. Në fund tha se nëse ka dikush të pyes diçka rreth kësaj çështjeje le të urdhërojë, unë jam e gatshme t'i përgjigjem.

Mirsada Benlun - duke iu drejtuar znj. Mula tha se kisha me ju lutur që të na informoni këtu për çdo gjë që ka lidhje me furnizimin me dru zjarri për familjet që kanë nevojë. Pra çfarë është qëndrimi i ZKKK-ës dhe drejtorive relevante.

Klaudia Mula – sa i përket raportit tha se ky ka përfunduar për muajin shtator.

Oktay Kurtesh - shtroi pyetje, prej atyre 120 familjeve sa familje të komuniteteve joshumicë kanë përfitur t'i marrin pakot ushqimore dhe prej atyre 120 familjeve sa familje janë të komunitetit turk, si dhe pse nuk është publikuar sa pako kanë shkuar për çdo komunitet.

Klaudia Mula – duke iu përgjigjur z. Kurtesh tha se të gjithat janë të shënuara në raport, pra për komunitetin turk janë ndarë nëntë pako. Ajo në vazhdim tha se ZKKK si gjithnjë ka ndërmarrë të gjitha hapat e nevojshëm dhe duke u bazuar në nevojat që ju i shfaqni në çdo takim ka iniciuar projektin trevjeçar për me i furnizuar këto familje me pako ushqimore. Siç e dini ne si zyrë nuk kemi ndonjë buxhet për këto projekte. Këto projekte shkojnë me kode buxhetore të drejtorive tjera, por ne kemi marrë vullnetin që të punojmë në këto projekte vetëm për t'i përkrahur familjet e komuniteteve joshumicë, ku drejtoritë përkatëse na kanë lejuar që për tri vjet çdo vit nga 120 familje të furnizohen me pako ushqimore. Ajo njëherazi ceku se nga Drejtoria e Mirëqenies Sociale kanë marrë listën e familjeve që janë me asistencë sociale, ndërsa për pjesën tjetër të mbetur i kemi ftuar të gjithë përfaqësuesit e komuniteteve për t'i plotësuar ato. Pra të gjithë kanë qenë këtu përveç përfaqësuesit të komunitetit serb z. Nenad ku u dakorduan dhe u përpilua lista, ndërsa sa i përket komunitetit serb ne si zyrë i kemi të dhënat për familjet të cilat kanë nevojë, ku në mungesë të përfaqësuesit i kemi futur emrat dhe është plotësuar numri i 120 familjeve. Kjo ka qenë procedura e përpilimit të listave edhe dy vitet e ardhshme do të implementohet nëse ju mendoni se ka ndonjë formë më të mirë për juve jeni të mirëseardhur për t'i dhënë.

Oktay Kurtesh – tha se nuk është në rregull që komuniteti turk t'i marrë vetëm tetë pako, se vetëm një familje është në listën e Drejtorisë së Mirëqenies Sociale.

Klaudia Mula - tha se kisha dashur me cek edhe diçka, kur kemi pasur mundësi me i përkrahur më shumë familje ne nuk kemi kursyer asgjë i kemi furnizuar të gjitha familjet, kurse këtë vit e kemi pas të kufizuar. Tani edhe dy vite ekziston kontrata për ato lista, prapë edhe 120 familje do të furnizohen. Unë kisha me ju propozuar që për vitin e ardhshëm të koordinohemi dhe të ndahemi të gjithë të kënaqur, me rëndësi është të marrin ata që kanë nevojë.

Nenad Miladinovic – tha se në takimin e fundit kam kërkuar që ZKKK të më sjell listën me emra të familjeve të cilat marrin ndihmë sociale, ajo listë nuk më është sjell. Pastaj në takimin e kaluar unë kam shprehur pakënaqësinë time se në çfarë mënyre është duke u shpërndarë ndihma sociale në kohën e fundit. Ai në vazhdim tha se unë mendoj se në atë mënyrë nuk do të ishte dashur të bëhet ndarja e ndihmave, nëse veç veprojmë kështu le ta merr atëherë Drejtoria e Mirëqenies Sociale dhe ta bëjë ndarjen e atyre ndihmave e mos të na mendoj neve sepse mendoj se kjo nuk është reale. Ne e kemi pasur listën ata të cilët marrin ndihmën sociale edhe në atë listë nuk kanë hyrë emrat të cilët ne i kemi dhënë këtu dhe çdo përfaqësues i ka dhënë emrat e familjeve të cilat vërtet kanë nevojë për ndihmë dhe këso probleme nuk kemi pasur. Unë vetë kam qenë i kyçur dhe e di se në mënyrë shumë reale është bërë ndarja e ndihmave.

Klaudia Mula – tha se siç e potencova në fillim ne nuk kemi buxhet me bërë këso projekte. Projektet shkojnë me buxhet të drejtorive përkatëse dhe ne duhet t'i respektojmë direktivat e tyre, ndërsa sa i

perket listes familjet e komunitetit serb qe marrin asistence sociale, une ju kam prezantuar ate dite ne takim. E kam lexuar emër për emër secilën familje që merr asistencë sociale, lista është në zyrë, nuk e kam ditur që ju e keni kërkuar listën, por mund të vini në zyrë, mirëpo atë listë po ashtu mund ta merrni në Drejtorinë e Mirëqenies Sociale, kurse sa i përket metodës që ju doni ta ndryshoni për vitin e ardhshëm, ne besoj se do të bashkëpunojmë qysh juve ju duket më e arsyeshme dhe më mirë duke respektuar legjislacionin në fuqi. Ne jemi gjithmonë për bashkëpunim dhe për më të mirën për komunitetet.

Nenad Miladinovic – tha se më intereson nga kjo listë prej 120 familjeve sa prej tyre janë që marrin ndihmë sociale.

Klaudia Mula – tha se nuk jam e sigurt, por listën e kam në zyrë nuk mund të jap shifra jo të sakta, më duket janë diku 78 vetëm ashkali. Po deshët mund të shkoj ta marr.

Faton Marolli – tha se ka edhe më shumë në listë, por numri i kufizuar është 120 familje e nuk kemi mundur ta bëjmë 130 sepse është dashur ta reduktojmë numrin.

Klaudia Mula - tha se kisha me propozuar që të dalim me një çështje tjetër që ka të bëjë me dru zjarri dhe që është më e rëndësishme pasi që ky projekt ka përfunduar. Ajo të pranishmit i informoi se dje ka marr një e-mail nga Drejtoria e Mirëqenies Sociale, ku njëherazi ceku se më herët janë shpërndarë nga tri metra dru për disa familje që marrin asistencë sociale. Ne e kemi marrë listën se cilat familje i kanë marrë nga tri metra dru. Aty kam parë që diku 17 familje janë të komunitetit ashkali, kurse tani kemi kërkesë nga Drejtoria e Mirëqenies Sociale që të përpilohet një listë me 50 familje të të gjitha komuniteteve joshumicë si subvencion për blerjen e druve për ngrohje, listë për ndarjen e mjeteve financiare nga 200 euro. Lista duhet të përpilohet nga përfaqësuesit e komuniteteve, prej 50 familjeve dhe të dorëzohet në Drejtorinë e Mirëqenies Sociale, pastaj deri më datën 3 të muajit të ardhshëm do të përfundohen listat, emrat dhe xhirollogaritë e verifikuara të atyre familjeve, të cilat do të dorëzohen në Drejtorinë e Mirëqenies Sociale.

Nenad Miladinovic - tha se mendoj se është pak numri 50 familje për dru zjarri, mirëpo kisha propozuar që nga ato 50 familje, të shkojnë për 17 familje të komunitetit ashkali pasi që ata vërtet kanë numër të madh për ndihmë sociale, nga dhjetë të shkojnë për komunitetin serb dhe komunitetin turk, nga pesë të kenë komunitetet boshnjak dhe goran dhe tri familje të komunitetit rom.

Klaudia Mula – pas shumë diskutimesh dhe sugjerimesh tha se është një rregullore ku edhe Drejtoria e Mirëqenies Sociale i pranon rastet sociale në bazë të saj.

Pika e gjashtë

Raportimi i përfaqësuesve të komuniteteve joshumicë lidhur me gjendjen e sigurisë në bashkësitë e tyre.

Kimeta Shok – sa i përket gjendjes së sigurisë nuk kam se çka të them sepse nuk kemi probleme.

Nenad Miladinovic - tha se sa i përket sigurisë unë kam deklaruar, ndërsa sa i përket marrëdhënieve ndëretnike dhe njerëzore në Bërnice të Poshtme janë shumë të mira përveç asaj që e cekta më herët.

Oktay Kurtesh – sa i përket gjendjes së sigurisë tha se nuk kemi probleme.

Raton Maroli – sa i perket sigurise tha se nuk kemi probleme krejt eshte ne rregull.

Pika e shtatë

Të ndryshme

Kimeta Shok – shtroi shqetësimin e nxënësve në gjuhën boshnjake të cilët qe dy muaj nuk kanë profesor të gjeografisë në gjuhën boshnjake dhe kërkojnë që ky problem t’ju zgjidhet.

Nenad Miladinovic – shtroi shqetësimin lidhur me deponitë ilegale në Bërnice të Poshtme, në ç’rast tha se kam vërejtje tek Drejtoria e Shërbimeve Publike pasi që ndoshta për të njëqindën herë kërkoj që ajo të pastrohet.

Oktay Kurtesh – tha se në pjesën ku jeton komuniteti turk kemi mbetur si të prapambetur apo të lënë anash, pasi që në këtë pjesë nuk investohet thujtë asgjë.

Mirsada Behluli – të pranishmit i informoi lidhur me pagesën e mëditjeve se para dy muajve i jam drejtuar Kryetarit të komunës z. Përparim Rama me një e-mail ku edhe ai është i njoftuar lidhur me këtë. Po ashtu edhe Betimi i është drejtuar dy herë kabinetit dhe Zyrës ligjore, mirëpo nuk kemi marrë ende informata. Pas shumë diskutimesh, propozimesh dhe sugjerimesh Komiteti për Komunitete nxori këto:

REKOMANDIME

1. Ftesë për drejtoreshën e Drejtorisë së Arsimit, - znj. Besianë Musmurati (U.D Donjeta Sahatçiu);
2. Ftesë për drejtorin e Drejtorisë së Investimeve Kapitale, - z. Krenar Xhaferi;
3. Ftesë për drejtorin e Drejtorisë së Sportit, - z. Granit Rugova;
4. Ftesë për drejtorinë e Drejtorisë së Shëndetësisë, - z. Izet Sadiku;
5. Të njoftohet drejtori i Drejtorisë së Sigurisë në Komunën e Prishtinës lidhur me rastin e paraqitur nga z. Nenad Miladinovic, në Bërnice të Poshtme.

Procesmbajtësja
Lendita Spahija



Faqe 6 nga 6